



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՈՒՆԻՑ

Արագածոտնի մարզի առաջին ատյանի  
ընդհանուր իրավասության դատարան,  
նախագահող դատավոր Ս.Մնոյան

ՀՀ վերաքննիչ քրեական դատարան,  
Նախագահող դատավոր՝ Ա.Բեկթաշյան  
Դատավորներ՝ Ռ.Մխիթարյան  
Մ.Մելքոնյան

1 ապրիլի 2024 թվական

ք.Երևան

ՀՀ Վճռաբեկ դատարանի քրեական պալատը (այսուհետ՝ Վճռաբեկ դատարան),

նախագահությամբ՝  
մասնակցությամբ դատավորներ՝

Հ.ԱՍԱՏՐՅԱՆԻ  
Ս.ԱՎԵՏԻՍՅԱՆԻ  
Լ.ԹԱԴԵՎՈՍՅԱՆԻ  
Դ.ԽԱԶԱՏՈՒԹՅԱՆԻ  
Ա.ՊՈՂՈՍՅԱՆԻ  
Ս.ՕՀԱՆՅԱՆԻ

գրավոր ընթացակարգով քննության առնելով ամբաստանյալ Օրբել Ժորայի  
Հովակիմյանի վերաբերյալ ՀՀ վերաքննիչ քրեական դատարանի՝ 2023 թվականի  
մարտի 22-ի որոշման դեմ պաշտպան Ա.Ներսիսյանի վճռաբեկ բողոքը,

**Պ Ա Ր Զ Ե Ց**

**Վարույթի դատավարական նախապատմությունը.**

1. 2020 թվականի հոկտեմբերի 19-ին ՀՀ Արագածոտնի մարզի դատախազի տեղակալի կողմից հարուցվել է թիվ 29200720 քրեական գործը՝ 2003 թվականի ապրիլի 18-ին ընդունված ՀՀ քրեական օրենսգրքի 268-րդ հոդվածի 2-րդ մասի (այսուհետ՝ ՀՀ քրեական օրենսգիրք) և 273-րդ հոդվածի 1-ին մասի հատկանիշներով:

2021 թվականի հունվարի 19-ին Օրբել Ժորայի Հովակիմյանի նկատմամբ խափանման միջոց է ընտրվել չհեռանալու մասին ստորագրությունը:

Նախաքննության մարմնի նույն օրվա որոշմամբ Օ.Հովակիմյանը ներգրավվել է որպես մեղադրյալ, և նրան մեղադրանք է առաջադրվել ՀՀ քրեական օրենսգրքի 273-րդ հոդվածի 1-ին մասով և 268-րդ հոդվածի 2-րդ մասով:

2021 թվականի հունվարի 21-ին քրեական գործը մեղադրական եզրակացությամբ ուղարկվել է Արագածոտնի մարզի առաջին ատյանի ընդհանուր իրավասության դատարան (այսուհետ՝ նաև Առաջին ատյանի դատարան):

2. Առաջին ատյանի դատարանը, կիրառելով դատական քննության արագացված կարգ, 2021 թվականի ապրիլի 23-ի դատավճռով Օ.Հովակիմյանին մեղավոր է ճանաչել ՀՀ քրեական օրենսգրքի 273-րդ հոդվածի 1-ին մասով և 268-րդ հոդվածի 2-րդ մասով նախատեսված հանցանքների կատարման մեջ:

Օ.Հովակիմյանի նկատմամբ ՀՀ քրեական օրենսգրքի 273-րդ հոդվածի 1-ին մասով պատիժ է նշանակվել՝ ազատազրկում՝ 6 (վեց) ամիս ժամկետով, իսկ ՀՀ քրեական օրենսգրքի 268-րդ հոդվածի 2-րդ մասով՝ ազատազրկում՝ 1 (մեկ) տարի ժամկետով: ՀՀ քրեական օրենսգրքի 66-րդ հոդվածի կանոններով, նշանակված պատիժները մասնակիորեն գումարելու միջոցով, Օ.Հովակիմյանի նկատմամբ վերջնական պատիժ է նշանակվել ազատազրկումը՝ 1 (մեկ) տարի 6 (վեց) ամիս ժամկետով, որը ՀՀ քրեական օրենսգրքի 70-րդ հոդվածի կարգով պայմանականորեն չի կիրառվել և սահմանվել է փորձաշրջան՝ 2 (երկու) տարի ժամկետով: Օ.Հովակիմյանի նկատմամբ ընտրված ստորագրություն չհեռանալու

մասին խափանման միջոցը թողնվել է անփոփոխ՝ մինչև դատավճռի օրինական ուժի մեջ մտնելը:

4. Մեղադրող Գ.Հարությունյանի վերաքննիչ բողոքի քննության արդյունքում ՀՀ վերաքննիչ քրեական դատարանը (այսուհետ՝ նաև Վերաքննիչ դատարան) 2023 թվականի մարտի 22-ին որոշում է կայացրել բողոքը մասնակիորեն բավարարելու, Առաջին ատյանի դատարանի՝ 2021 թվականի ապրիլի 23-ի դատավճիռը մասնակիորեն բեկանելու և փոփոխելու մասին. Օ.Հովակիմյանի նկատմամբ ՀՀ քրեական օրենսգրքի 273-րդ հոդվածի 1-ին մասով քրեական հետապնդումը դադարեցվել է՝ վաղեմության ժամկետն անցնելու հիմքով:

Միաժամանակ, Օ.Հովակիմյանը մեղավոր է ճանաչվել 2021 թվականի մայիսի 5-ին ընդունված ՀՀ քրեական օրենսգրքի 396-րդ հոդվածի 2-րդ մասով, Առաջին ատյանի դատարանի վերոհիշյալ դատավճռով նշանակված՝ 1 (մեկ) տարի 6 (վեց) ամիս ժամկետով ազատազրկումից հանվել է ՀՀ քրեական օրենսգրքի 273-րդ հոդվածի 1-ին մասով նշանակված՝ 6 (վեց) ամիս ժամկետով ազատազրկում պատիժը և Օ.Հովակիմյանին թողնվել է կրելու ազատազրկում՝ 1 (մեկ) տարի ժամկետով:

Ամբաստանյալ Օ.Հովակիմյանի նկատմամբ ազատազրկման ձևով նշանակված պատիժը պայմանականորեն չկիրառելը վերացվել է և պատժի կրման սկիզբը որոշվել է հաշվել վերջինին փաստացի արգելանքի վերցնելու պահից:

Դատավճիռը մնացած մասով թողնվել է անփոփոխ:

Դատավոր Ռ.Մխիթարյանը, հատուկ կարծիք է հայտնել՝ գտնելով, որ առկա չէ որևէ ողջամիտ հիմնավորում առ այն, որ Օ.Հովակիմյանի նկատմամբ ՀՀ քրեական օրենսգրքի 396-րդ հոդվածի 2-րդ մասի սանկցիայով նախատեսված առավել մեղմ պատժատեսակի, այդ թվում՝ տուգանքի կիրառումը չի կարող ապահովել պատժի նպատակները, և որ ամբաստանյալի նկատմամբ 1 (մեկ) տարի ժամկետով ազատազրկում պատժի կիրառումն անարդարացի է՝ ակնհայտ խիստ ու անհամաչափ, և նրա նկատմամբ պատիժ պետք է նշանակվի տուգանք՝ քսանապատիկի չափով:

5. Վերաքննիչ դատարանի վերոնշյալ որոշման դեմ պաշտպան Ա.Ներսիսյանը բերել է վճռաբեկ բողոք, որը Վճռաբեկ դատարանի՝ 2023 թվականի սեպտեմբերի

1-ի որոշմամբ ընդունվել է վարույթ և սահմանվել է դատական վարույթի իրականացման գրավոր ընթացակարգ:

**Վճռաբեկ բողոքի հիմքերը, փաստարկները և պահանջը.**

Վճռաբեկ բողոքը քննվում է հետևյալ հիմքի սահմաններում՝ ներքոհիշյալ փաստարկներով.

6. Բողոքի հեղինակի պնդմամբ՝ Վերաքննիչ դատարանը թույլ է տվել նյութական իրավունքի խախտում, որն ազդել է վարույթի ելքի վրա:

Բողոքաբերի համոզմամբ՝ Վերաքննիչ դատարանը խախտել է ՀՀ քրեական օրենսգրքի 10-րդ, 48-րդ, 61-րդ հոդվածների պահանջները, որի արդյունքում Օ.Հովակիմյանի նկատմամբ չի կիրառել ՀՀ քրեական օրենսգրքի 70-րդ հոդվածը, որը ենթակա էր կիրառման:

6.1. Բողոքի հեղինակը փաստել է, որ Օ.Հովակիմյանի նկատմամբ նշանակված պատժի կրման նպատակահարմարության հարցը քննարկելիս հաշվի չի առնվել նրա կողմից կատարված հանցագործության բնույթն ու վտանգավորության աստիճանը, որպիսի պայմաններում վերջինի նկատմամբ չի նշանակվել արդարացի պատիժ:

6.2 Բողոք բերած անձը փաստարկել է, որ Օ.Հովակիմյանի նկատմամբ 2021 թվականի մայիսի 5-ին ընդունված ՀՀ քրեական օրենսգրքի 396-րդ հոդվածի 2-րդ մասով, որը համապատասխանում է 2003 թականի ապրիլի 18-ին ընդունված ՀՀ քրեական օրենսգրքի 268-րդ հոդվածի 2-րդ մասին, ազատազրկումից զատ որպես պատիժ նախատեսվել է նաև տուգանք պատժատեսակը, որպիսի հանգամանքն անտեսվել է և ամբաստանյալի նկատմամբ նշանակվել է ակնհայտ խիստ պատիժ:

6.3. Բողոք բերած անձը նշել է, որ վիճարկվող դատական ակտը կայացնելիս իր պաշտպանյալը եղել է 61 տարեկան, վերջինս բնութագրվում է դրական, զղջում է կատարածի համար, որը դրսևորվել է ինքնախոստովանական ցուցմունքներ տալով, աջակցել է վարույթն իրականացնող մարմնին, դատարանում ներկայացրել է միջնորդություն՝ սույն քրեական գործով արագացված դատաքննության կարգ կիրառելու համար, ինչպես նախաքննության, այնպես էլ դատարանում գործի

քննության ընթացքում դրսևորել է պատշաճ վարքագիծ, հետևաբար պատժի նպատակների իրագործման տեսանկյունից բացակայում է պատիժը փաստացի կրելու անհրաժեշտությունը:

Բողոքի հեղինակը նշել է նաև, որ Օ.Հովակիմյանին մեղսագրվող հանցագործության առարկան հանդիսացող «Մարիխուանա» տեսակի թմրամիջոցի քաշը կազմել է 12.88 գրամ, ինչն առավել քան մոտ է տվյալ թմրամիջոցի համար սահմանված խոշոր չափի նվազագույն շեմին:

7. Վերոգրյալի հիման վրա, բողոքի հեղինակը խնդրել է վճարել բողոքը բավարարել, Վերաքննիչ դատարանի՝ 2023 թվականի մարտի 22-ի որոշումը բեկանել և Օ.Հովակիմյանին մեղավոր ճանաչել 2021 թվականի մայիսի 5-ին ընդունված ՀՀ քրեական օրենսգրքի 396-րդ հոդվածի 2-րդ մասով՝ նրա նկատմամբ պատիժ նշանակելով տուգանք՝ նվազագույն աշխատավարձի տասնապատիկի չափով, որն էլ տարածամկետել և հնարավորություն տալ վերջինիս տուգանքը վճարել մեկ տարվա ընթացքում, կամ ՀՀ քրեական օրենսգրքի 70-րդ հոդվածի կանոնների կիրառմամբ, Օ.Հովակիմյանի նկատմամբ Վերաքննիչ դատարանի կողմից նշանակված ազատազրկման ձևով պատիժը պայմանականորեն չկիրառել:

**Վճարել բողոքի քննության համար էական նշանակություն ունեցող փաստական հանգամանքները.**

8. Նախաքննության մարմնի որոշմամբ Օրբել Հովակիմյանին 2003 թվականի ապրիլի 18-ին ընդունված ՀՀ քրեական օրենսգրքի 273-րդ հոդվածի 1-ին մասով և 268-րդ հոդվածի 2-րդ մասով մեղադրանք է առաջադրվել հետևյալ արարքների համար. «(...) [Ն]ա խախտելով «Թմրամիջոցների և հոգեմեյր (հոգեներգործուն) նյութերի» մասին ՀՀ օրենքի 13-րդ հոդվածի 3-րդ կետի պահանջը, 2020 թվականի ապրիլ ամսից սկսած Արագածոտնի մարզի Օշական գյուղի Մաշտոցի փողոցի 47 փրան բակում՝ ցանցապար փարածքում մշակել և աճեցրել է շրջանառությունն արգելված, խոշոր չափի՝ 15 հար թմրամիջոց՝ թմրակալոհիդ փերահիդրոկաննաբինոլ պարունակող կանեփ (cannabis խմբի) փեսակի բույսեր, որոնք 2020 թվականի սեպտեմբերի 12-ին հայտնաբերվել և վերցվել են ՀՀ

նարիկանության Աշխարակի բաժնի աշխարակիցների կողմից՝ նրա փանը կից բախում կատարված զննությամբ:

Բացի այդ, Օրբել Ժորայի Հովակիմյանը, խախտելով «Թմրամիջոցների և հոգեմեկր (հոգեներգործուն) նյութերի» մասին ՀՀ օրենքի 11-րդ հոդվածի 2-րդ կետի պահանջը, իր հողամասում մշակած և աճեցրած կանեփի փեսակի բույսերից փերեններ և գլխիկներ պոկելով, ապօրինի ձեռք է բերել և իր օգտագործման համար ապօրինի պահել ընդհանուր՝ խոշոր չափի՝ 12.88 գրամ հասարարուն քաշով «Մարիխուանա» փեսակի թմրամիջոցներ, որոնք 2020 թվականի սեպտեմբերի 12-ին հայրնաբերվել և վերցվել են նարիկանության Աշխարակի բաժնի աշխարակիցների կողմից՝ նրա փանը կից բախում կատարված զննությամբ»<sup>1</sup>:

9. Առաջին ատյանի դատարանի դատավճռով արձանագրվել է հետևյալը. «(...) Դատարանը հիմք ընդունելով մեղադրանքի հիմքում դրված ապացույցները, գտնում է, որ ամբաստանյալ Օրբել Ժորայի [Հովակիմյանին] ՀՀ քրեական օրենսգրքի 273-րդ հոդվածի 1-ին մասով և 268-րդ հոդվածի 2-րդ մասով առաջադրված մեղադրանքները հիմնավորված են և այդ հոդվածներով էլ նա պետք է ենթարկվի պատժի:

(...) Դատարանը որպես Օրբել Ժորայի [Հովակիմյանի] անձը բնութագրող փյուլյաներ հաշվի է առնում այն, որ նա 59 փարեկան է, բնութագրվում է դրական, առաջադրված մեղադրանքում իրեն մեղավոր է ճանաչել, զղջում է կատարածի համար:

Օրբել Հովակիմյանի պատիժը և պարասիսանարվությունը ծանրացնող և մեղմացնող հանգամանքներ առկա չեն:

(...) [Գ]նահատելով ամբաստանյալ Օրբել Ժորայի [Հովակիմյանի] կողմից կատարված հանցագործությունների բնույթը և հանրության համար վրանգավորության աստիճանը, այդ թվում՝ նրա հանցավոր մեղադրության իրականացման աստիճանը, խախտված հասարակական հարաբերության սոցիալական նշանակությունը, հանցանքները կատարելուց հետո ամբաստանյալի դրսևորած վարքագիծը, նրա պարասիսանարվությունը և պատիժը մեղմացնող, անձը բնութագրող հանգամանքների առկայությունը, պարասիսանարվությունը և

<sup>1</sup> Տե՛ս քրեական գործ, հատոր 1, թերթեր 86-87:

պարիժը ծանրացնող հանգամանքների բացակայությունը, դարարանը հանգում է հերևության, որ ԿՎԿՅՈՒՄ ղեկավարում սանկցիայով նախատեսված ազատազրկման ձևով նվազ խիստ պարժարեսակի միջոցով հնարավոր է ապահովել պարժի նպատակների իրացվելիությունը և ԿՎԿՅՈՒՄ ղեկավարում նշանակվող պարիժը բխում է նաև ՀՀ քրեական օրենսգրքի 10-րդ և 61-րդ հոդվածներով սահմանված՝ արդարության և պարասխանարվության անհարականացման, պարիժ նշանակելու ընդհանուր սկզբունքներից:

Դարարանը գրնում է, որ Օրբել Հովակիմյանի նկարմամբ վերջնական պարիժ պերք է նշանակել ՀՀ քրեական օրենսգրքի 66-րդ հոդվածով սահմանված կանոններով՝ նշանակված պարիժները մասնակիորեն գումարելու միջոցով:

(...) [Դ]արարանը ուսումնասիրելով ամբաստանյալ Օրբել Ժորայի Հովակիմյանի անձը, այդ թվում՝ նրա անձը բնութագրող սոցիալ-հոգեբանական, սոցիալ-ժողովրդագրական հարկանիշները, հանցագործությունից հերո դրսևորած վարքագիծը, նրա կողմից քրեական օրենքով արգելված արարքի կարարման եղանակը, բնույթը, հանրային վրանգավորության աստիճանը, ինչպես նաև այն, որ նախկինում դարված չի եղել, բնութագրվում է դրական, զղջում է կարարածի համար, գրնում է, որ ազատազրկման ձևով նշանակվող պարժարեսակի կիրառման արդյունքում սկսկալվող պարժի նպատակների իրագործումը հնարավոր է նաև առանց նշանակված պարժարեսակը կրելու:

Դարարանը գրնում է նաև, որ ամբաստանյալ Օրբել Հովակիմյանի հերազա վարքագծի վերահսկողությունն ապահովելու նպատակով պերք է սահմանել փորձաշրջան՝ վերահսկողությունը դնելով՝ ՀՀ արդարադարության նախարարության պրոբացիայի ծառայության վրա և Օրբել Հովակիմյանի վրա պերք է դնել պարրականություն՝ չիոխել մշրական բնակության վայրը՝ վարքագծի նկարմամբ սահմանված վերահսկողությունը պարշաճ իրականացնելու նպատակով (...):<sup>2</sup>:

10. Վերաքննիչ դատարանն իր որոշմամբ արձանագրել է հետևյալը. «(...) Վերաքննիչ դարարանն անհրաժեշտ է համարում քնսարկել սույն գործով հերադարձության կարգով 2021 թվականի մայիսի 5-ին ընդունված և 2022

<sup>2</sup> Տես քրեական գործ, հատոր 1, թերթեր 161-163:

թվականի հուլիսի 1-ին ուժի մեջ մտած ՀՀ քրեական օրենսգրքի (այսուհետք նաև՝ 2021 թվականին ընդունված ՀՀ քրեական օրենսգիրք) կիրառելիության հարցը:

(...)

Եսիսկին և նոր քրեական օրենսգրքերով թմրամիջոցների, հոգեմեկր (հոգեներգործուն) նյութերի, դրանց պատրաստուկների կամ դրանց համարժեք նյութերի (անսալոգի) կամ դրանց ածանցյալների կամ պրեկուրսորների ապօրինի շրջանառությունն առանց իրացնելու նպատակի համար նախատեսված պարիժների համեմատական վերլուծության հիման վրա Վերաքննիչ դատարանն արձանագրում է, որ նոր ընդունված օրենսդրությունը համարվում է պարիժը մեղմացնող, քանի որ 2021 թվականի մայիսի 5-ին ընդունված ՀՀ քրեական օրենսգրքի 396-րդ հոդվածի 2-րդ մասի սանկցիան նախատեսում է (...) նաև ազատազրկումից առավել մեղմ այլընտրանքային պարժարեսակներ՝ հանրային աշխատանքներ և ազատության սահմանափակում, որը նախատեսված չէր 2003 թվականի ապրիլի 18-ին ընդունված քրեական օրենսգրքով: Հերևարար, դրա գործողությունը տարածվում է մինչև այդ օրենքն ուժի մեջ մտնելը հանցանք կատարած անձանց վրա:

Վերը նշվածը հաշվի առնելով՝ Վերաքննիչ դատարանն արձանագրում է, որ Օրբել Հովակիմյանին 2003 թվականի ապրիլի 18-ին ընդունված ՀՀ քրեական օրենսգրքի 268 հոդվածի 2-րդ մասով մեղսագրված արարքը պետք է որակել 2021 թվականի մայիսի 5-ին ընդունված ՀՀ քրեական օրենսգրքի 396-րդ հոդվածի 2-րդ մասի (...):

(...)

Տվյալ դեպքում Առաջին արշանի դատարանն ամբաստանյալ Օրբել Հովակիմյանի նկատմամբ պարիժ նշանակելիս, պարժի տեսակը և չափը որոշելիս, հաշվի է առել կատարված հանցագործության հանրության համար վրանգավորության աստիճանը և բնույթը, ամբաստանյալի անձը բնութագրող տվյալները, այդ թվում՝ ՀՀ քրեական օրենսգրքի 62-րդ և 63-րդ հոդվածներով նախատեսված պարասահանարվությունն ու պարիժը մեղմացնող և ծանրացնող հանգամանքները:



Առաջին արյանի դափարանը որպես Օրբել Հովակիմյանի անձը բնութագրող փյուփյուներ հաշվի է առել այն, որ նա 59 տարեկան է, բնութագրվում է դրական, առաջադրված մեղադրանքում իրեն մեղավոր է ճանաչել, զղջում է կատարածի համար:

Ամբաստանյալ Օրբել Հովակիմյանի պարիժը և պարասիանսարվությունը ծանրացնող և մեղմացնող հանգամանքներ Առաջին արյանի դափարանը չի արձանագրել:

Առաջին արյանի դափարանն ուսումնասիրելով ամբաստանյալ Օրբել Հովակիմյանի անձը, այդ թվում՝ նրա անձը բնութագրող սոցիալ-հոգեբանական, սոցիալ-ժողովրդագրական հատկանիշները, հանցագործությունից հետո դրսևորած վարքագիծը, նրա կողմից քրեական օրենքով արգելված արարքների կատարման եղանակը, բնույթը, հանրային վրանգավորության աստիճանը, ինչպես նաև այն, որ նախկինում դատված չի եղել, բնութագրվում է դրական, զղջում է կատարածի համար, գրել է, որ ազատագրկման ձևով նշանակվող պարժապետասկի կիրառման արդյունքում ակնկալվող պարժի նպատակների իրագործումը հնարավոր է նաև առանց նշանակված պարժապետակը կրելու:

Հաշվի առնելով ամբաստանյալ Օրբել Հովակիմյանի կողմից կատարված հանցագործության բնույթն ու վրանգավորության աստիճանը, նրա անձը բնութագրող փյուփյուները, պարասիանսարվությունն ու պարիժը մեղմացնող և ծանրացնող հանգամանքները, Վերաքննիչ դափարանը գրնում է, որ 2003 թվականի ապրիլի 18-ին ընդունված ՀՀ քրեական օրենսգրքի 48-րդ հոդվածով սահմանված պարժի նպատակներն ապահովելու համար նրա նկատմամբ պարիժ պետք է նշանակել ազատագրկում 1 (մեկ) տարի ժամկետով (...)՝ հանելով ՀՀ քրեական օրենսգրքի 273-րդ հոդվածի 1-ին մասով նշանակված 6 (վեց) ամիս ժամկետով ազատագրկումը:

Անդրադառնալով Օրբել Հովակիմյանի նկատմամբ ազատագրկման ձևով նշանակված պարիժը պայմանականորեն չկիրառելու հնարավորության հարցին՝ Վերաքննիչ դափարանը հարկ է համարում նշել հետևյալը.

Վերաքննիչ դափարանը նախ հարկ է համարում արձանագրել, որ 2003 թվականի ապրիլի 18-ին ընդունված ՀՀ քրեական օրենսգրքի համեմար 2021

թվականի մայիսի 5-ին ընդունված ՀՀ քրեական օրենսգիրքը պարիժը պայմանականորեն չկիրառելու հնարավորության տեսակետից որևէ մեղմացում կամ բարելավում չի սահմանում (...), հետևաբար՝ այդ մասով այն հետադարձ ուժ չի կարող ունենալ:

(...)

Վերաքննիչ դատարանը հարկ է համարում նկատել, որ ամբաստանյալ Օրբել Հովակիմյանի նկատմամբ ազատազրկման ձևով նշանակված պարիժը կրելու անհրաժեշտությունը (ազատազրկման ձևով նշանակված պարիժը պայմանականորեն չկիրառելու հնարավորությունը) քննարկելիս, թեև Առաջին ասրյանի դատարանը բազմակողմանի գնահատման է ենթարկել ամբաստանյալի անձը բնութագրող հանգամանքները, պարասխանաբարձությունն ու պարիժը մեղմացնող և ծանրացնող հանգամանքների բացակայությունը, սակայն հաշվի չի առել Օրբել Հովակիմյանի կողմից կատարված հանցագործության բնույթն ու վրանգավորության աստիճանը, որպիսի պայմաններում վերջինի նկատմամբ չի նշանակել արդարացի պարիժ, ինչը չի բխում 2003 թվականի ապրիլի 18-ին ընդունված ՀՀ քրեական օրենսգրքի 10-րդ հոդվածով սահմանված արդարության և պարասխանաբարձության անհատականացման սկզբունքից, անհրաժեշտ և բավարար չէ նրան ուղղելու և նոր հանցագործությունները կանխելու համար ու չի կարող ապահովել 2003 թվականի ապրիլի 18-ին ընդունված ՀՀ քրեական օրենսգրքի 48-րդ հոդվածով սահմանված պարժի նպատակները:

Մասնավորապես՝ Առաջին ասրյանի դատարանն հաշվի չի առել այն, որ ամբաստանյալ Օրբել Հովակիմյանին մեղսագրված հանցագործության առարկան «չորացված մարիխուանա» տեսակի թմրամիջոցը՝ 12.88 գրամ է, որը, համարվում է խոշոր չափի: Բացի այդ, թմրանյութերի ապօրինի խիստ ներգործող կամ թունավոր նյութեր պարունակող բույսեր ապօրինի ցանելը կամ աճեցնելը, համարարած օգրագործումը վնաս է հասցնում ոչ միայն առանձին անձանց առողջությանը, այլև ամբողջ բնակչության, ազգի ֆիզիկական և հոգեկան առողջական վիճակին:

Ամփոփելով վերը շարադրված դատողությունները՝ Վերաքննիչ դատարանը գտնում է, որ ամբաստանյալ Օրբել Հովակիմյանի նկատմամբ նշանակված

պարիժը պայմանականորեն չկիրառելու մասին Առաջին ատյանի դատարանի հետևությունը հիմնավորված և պարճառաբանված չէ:

Վերաքննիչ դատարանը գրնում է, որ վերը նշված նյութական իրավունքի խախտումները, որոնք ազդել են պարիժը կրելու նպատակահարմարության մասով գործով ճիշտ որոշում կայացնելու վրա, հիմք են դարձնում վերաքննիչ բողոքը մասնակի բավարարելու և Առաջին ատյանի դատարանի դատական ակտը բեկանելու և փոփոխելու համար: (...)»<sup>3</sup> :

### **Վճռաբեկ դատարանի հիմնավորումները և եզրահանգումը.**

11. ՀՀ քրեական դատավարության օրենսգրքի անցումային դրույթները կարգավորող 483-րդ հոդվածի 8-րդ մասի համաձայն՝ «8. Մինչև սույն օրենսգիրքն ուժի մեջ մտնելը կայացված դատական ակտերով վերաքննիչ և վճռաբեկ բողոքները բերվում և քննվում են մինչև 2022 թվականի հուլիսի 1-ը գործող կարգով»:

Վերոգրյալից հետևում է, որ 2022 թվականի հուլիսի 1-ից հետո կայացված դատական ակտերի դեմ վճռաբեկ բողոքները բերվում և քննվում են 2022 թվականի հուլիսի 1-ից գործող քրեական դատավարության օրենսգրքով սահմանված կարգով: Հետևաբար, սույն բողոքի քննությունն իրականացնելիս, որպես Վճռաբեկ դատարանում բողոքի քննության ընթացակարգային կառուցակարգ հիմք է ընդունվում 2022 թվականի հուլիսի 1-ից գործող կարգը: Մինևսույն ժամանակ, Վճռաբեկ դատարանը փաստում է, որ Առաջին ատյանի դատարանն ամբաստանյալ Օ.Հովակիմյանի վերաբերյալ քրեական գործը քննության է առել, իսկ Վերաքննիչ դատարանն Առաջին ատյանի դատարանի դատական ակտի իրավաչափությունը գնահատել է 1998 թվականի հուլիսի 1-ին ընդունված ՀՀ քրեական դատավարության օրենսգրքի իրավակարգավորումների շրջանակներում, ուստի ստորադաս դատարանի հետևությունների իրավաչափության գնահատման համար Վճռաբեկ դատարանը հիմք է ընդունում 1998 թվականի հուլիսի 1-ին ընդունված ՀՀ քրեական դատավարության օրենսգրքի իրավակարգավորումները:

<sup>3</sup> Տես քրեական գործ, հատոր 2, թերթեր 84-95:

12. Սույն վարույթով Վճռաբեկ դատարանի առջև բարձրացված իրավական հարցը հետևյալն է. հիմնավորված և պատճառաբանված են արդյոք Օ.Հովակիմյանի նկատմամբ ազատագրկման ձևով պատիժ նշանակելու վերաբերյալ Վերաքննիչ դատարանի հետևությունները:

13. ՀՀ քրեական օրենսգրքի 10-րդ հոդվածի 1-ին մասի համաձայն՝ *«Հանցանք կատարած անձի նկատմամբ կիրառվող պատիժը և քրեաիրավական ներգործության այլ միջոցները պետք է լինեն արդարացի՝ համապատասխան են հանցանքի ծանրությանը, դա կատարելու հանգամանքներին, հանցավորի անձնավորությանը, անհրաժեշտ և բավարար լինեն նրան ուղղելու և նոր հանցագործությունները կանխելու համար»:*

ՀՀ քրեական օրենսգրքի 48-րդ հոդվածի 2-րդ մասի համաձայն՝ *«Պատժի նպատակն է վերականգնել սոցիալական արդարությունը, ուղղել պատժի ենթարկված անձին, ինչպես նաև կանխել հանցագործությունները»:*

ՀՀ քրեական օրենսգրքի 61-րդ հոդվածի համաձայն՝ *«1. Հանցագործության համար մեղավոր ճանաչված անձի նկատմամբ նշանակվում է արդարացի պատիժ, որը որոշվում է սույն օրենսգրքի Հարուկ մասի համապատասխան հոդվածի սահմաններում՝ հաշվի առնելով սույն օրենսգրքի Ընդհանուր մասի դրույթները:*

*2. Պատժի տեսակը և չափը որոշվում են հանցագործության՝ հանրության համար վրանգավորության սարիճանով և բնույթով, հանցավորի անձր բնութագրող տվյալներով, այդ թվում՝ պատասխանատվությունը և պատիժը մեղմացնող կամ ծանրացնող հանգամանքներով:*

*3. Հանցագործության համար նախատեսված պատիժներից առավել խիստը նշանակվում է, եթե նվազ խիստ տեսակը չի կարող ապահովել պատժի նպատակները»:*

13.1. Մեջբերված նորմերի վերլուծության արդյունքում Վճռաբեկ դատարանը մշտապես ընդգծել է, որ պատժի արդարությունը դրսևորվում է հանցագործության և քրեաիրավական ներգործության միջոցների (պատժի) համաչափության ապահովմամբ: Հետևաբար, կոնկրետ գործով պատիժ նշանակելիս, դատարանի ներքին համոզմունքը ձևավորվում է կատարված արարքի հանրային վտանգավորության բնույթի ու աստիճանի, հանցավորի անձի, պատիժը մեղմացնող

և ծանրացնող հանգամանքների վերլուծության հիման վրա՝ ելնելով ՀՀ քրեական օրենսգրքի 48-րդ հոդվածով նախատեսված պատժի նպատակների իրացումն ապահովելու անհրաժեշտությունից<sup>4</sup>:

14. Վճռաբեկ դատարանը կրկնում է, որ հանցագործության կատարման մեջ մեղավոր ճանաչված անձի նկատմամբ պատիժ նշանակելիս, դատարանը պարտավոր է գործի նյութերում առկա փաստական տվյալների հիման վրա պատճառաբանել ինչպես պատժի տեսակի և չափի ընտրության, այնպես էլ ազատությունից զրկելու հետ կապված պատիժը կրելու անհրաժեշտության վերաբերյալ իր որոշումը: Դատական որոշման որակը մեծապես կախված է դրա պատճառաբանական մասից, հետևաբար դատական որոշումները սկզբունքորեն պետք է պատճառաբանված լինեն: Պատժի տեսակի և չափի ընտրության, ինչպես նաև պատիժը կրելու անհրաժեշտության վերաբերյալ դատարանի եզրահանգումները հիմնավորող պատճառների մատնանշումը ոչ միայն ավելի հասկանալի և ընդունելի է դարձնում դատավճիռը վարույթի մասնակիցների համար, այլև բացառում է կամայականությունը: Նախևառաջ, դա նշանակում է, որ դատարանը պարտավորված է լինում արձագանքել կողմերի ներկայացրած փաստարկներին և մատնանշել տվյալ որոշումը հիմնավորող և իրավաչափ դարձնող փաստարկները: Եվ երկրորդ՝ պատշաճ պատճառաբանությունը հասարակությանը թույլ է տալիս հասկանալ, թե ինչպես է գործում դատական համակարգը հանցանք կատարած անձի նկատմամբ պատիժ սահմանելիս: Բացի այդ, դատական ակտի չպատճառաբանված կամ ոչ բավարար չափով պատճառաբանված լինելը հանգեցնում է նաև քրեական դատավարության կարևորագույն սկզբունքներից մեկի՝ արդար դատական քննության իրավունքի խախտման, քանի որ օբյեկտիվորեն սահմանափակվում է վերադաս դատական

<sup>4</sup> Տե՛ս, *mutatis mutandis*, Վճռաբեկ դատարանի՝ *Գառնիկ Գալստյանի* գործով 2014 թվականի դեկտեմբերի 16-ի թիվ ԵՄԴ/0027/01/14, *Էդվարդ Աղամյանի* գործով 2014 թվականի դեկտեմբերի 16-ի թիվ ԵԷԴ/0048/01/14, *Արարատ Ավագյանի և Վահան Սահակյանի* գործով 2014 թվականի հոկտեմբերի 31-ի թիվ ԵԿԴ/0252/01/13, *Արմեն Շահբազյանի* գործով 2014 թվականի օգոստոսի 15-ի թիվ ԵՇԴ/0143/01/13, *Նարեկ Սարգսյանի* գործով 2011 թվականի դեկտեմբերի 22-ի թիվ ԵԿԴ/0042/01/11, *Գարուշ Մադաթյանի* գործով 2009 թվականի փետրվարի 17-ի թիվ ԵՇԴ/0029/01/08 որոշումները:

ատյանի հնարավորությունը՝ լիարժեք դատական ստուգման ենթարկելու բողոքարկվող դատական ակտի օրինականությունն ու հիմնավորվածությունը<sup>5</sup>:

Հետևաբար, 1998 թվականի հուլիսի 1-ին ընդունված ՀՀ քրեական դատավարության օրենսգրքի 358-րդ հոդվածի պահանջները պահպանված լինելու առումով ընդունելի չի կարող համարվել ոչ միայն այն դատական ակտը, որտեղ պատժի վերաբերյալ դատարանի հետևությունները հիմնված չեն դատական քննության ժամանակ հետազոտված ապացույցների վրա, այլև այնպիսին, որում բացակայում են պատժատեսակի, պատժաչափի կամ պատիժը կրելու նպատակահարմարության վերաբերյալ դատարանի եզրահանգումները հիմնավորող հետևողական, հստակ և ոչ հակասական պատճառաբանությունները<sup>6</sup>:

15. Սույն գործի նյութերի ուսումնասիրությունից երևում է, որ,

- Օ.Հովակիմյանին, ի թիվս այլնի, ՀՀ քրեական օրենսգրքի 268-րդ հոդվածի 2-րդ մասով մեղադրանք է առաջադրվել այն արարքի համար, որ նա ապօրինի ձեռք է բերել և իր օգտագործման համար ապօրինի պահել ընդհանուր՝ խոշոր չափի՝ 12.88 գրամ հաստատուն քաշով «Մարիխուանա» տեսակի թմրամիջոց, որն էլ 2020 թվականի սեպտեմբերի 12-ին հայտնաբերվել և վերցվել է ոստիկանության Աշտարակի բաժին աշխատակիցների կողմից՝ նրա տանը կից բակում կատարված զննությամբ<sup>7</sup>:

- Առաջին ատյանի դատարանը, ամբաստանյալ Օ.Հովակիմյանին մեղավոր ճանաչելով առաջադրված մեղադրանքում և գնահատելով կատարված հանցագործության հանրության համար վտանգավորության աստիճանն ու բնույթը, հանցագործության կատարման հանգամանքները, հանցանքները կատարելուց հետո ամբաստանյալի դրսևորած վարքագիծը, նրա պատասխանատվությունը և պատիժը մեղմացնող, անձը բնութագրող հանգամանքների առկայությունը, պատասխանատվությունը և պատիժը ծանրացնող հանգամանքների

<sup>5</sup> Տե՛ս Վճռաբեկ դատարանի՝ *Գառնիկ Գալստյանի* գործով 2014 թվականի դեկտեմբերի 16-ի թիվ ԵՄԳ/0027/01/14 որոշման 23-րդ կետը, ինչպես նաև Վճռաբեկ դատարանի՝ *Ֆրունզիկ Գալստյանի* գործով 2010 թվականի մարտի 26-ի ԵԿԳ/0058/11/09 որոշման 18-19-րդ կետերը:

<sup>6</sup> Տե՛ս Վճռաբեկ դատարանի՝ *Գառնիկ Գալստյանի* գործով 2014 թվականի դեկտեմբերի 16-ի թիվ ԵՄԳ/0027/01/14 որոշման 23-րդ կետը, ինչպես նաև *Արարատ Ավագյանի և Վահան Սահակյանի* գործով 2014 թվականի հոկտեմբերի 31-ի թիվ ԵԿԳ/0252/01/13 որոշման 40-րդ կետը:

<sup>7</sup> Տե՛ս սույն որոշման 8-րդ կետը:

բացակայությունը, ամբաստանյալ Օ.Հովակիմյանի անձը բնութագրող տվյալները, գտել է, որ սանկցիայով նախատեսված ազատազրկման ձևով նվազ խիստ պատժաչափի միջոցով հնարավոր է ապահովել պատժի նպատակների իրացվելիությունը և միաժամանակ նրա ուղղումը հնարավոր է առանց ռեալ (իրական) պատիժ նշանակելու<sup>8</sup>:

- Վերաքննիչ դատարանն իր դատական ակտում նշել է, որ ամբաստանյալ Օ.Հովակիմյանին մեղսագրված արարքի համար 2021 թվականի մայիսի 5-ին ընդունված ՀՀ քրեական օրենսգրքը համարվում է պատիժը մեղմացնող, քանի որ տվյալ օրենսգրքի 396-րդ հոդվածի 2-րդ մասի սանկցիան նախատեսում է նաև ազատազրկումից առավել մեղմ այլընտրանքային պատժատեսակներ՝ հանրային աշխատանքներ և ազատության սահմանափակում, որը նախատեսված չէր 2003 թվականի ապրիլի 18-ին ընդունված քրեական օրենսգրքով: Արդյունքում, Վերաքննիչ դատարանն Օ.Հովակիմյանին 2003 թվականի ապրիլի 18-ին ընդունված ՀՀ քրեական օրենսգրքի 268-րդ հոդվածի 2-րդ մասով մեղսագրված արարքը վերաորակել է 2021 թվականի մայիսի 5-ին ընդունված ՀՀ քրեական օրենսգրքի 396-րդ հոդվածի 2-րդ մասով և այդ հոդվածի սանկցիայով նրա նկատմամբ պատիժ նշանակել ազատազրկում՝ 1 (մեկ) տարի ժամկետով:

Միաժամանակ, Վերաքննիչ դատարանը փաստել է, որ ամբաստանյալ Օ.Հովակիմյանի նկատմամբ ազատազրկման ձևով նշանակված պատիժը կրելու անհրաժեշտությունը քննարկելիս, Առաջին ատյանի դատարանը հաշվի չի առել նրա կողմից կատարված հանցագործության բնույթն ու վտանգավորության աստիճանը, ինչպես նաև այն, որ *«ամբաստանյալ Օրբել Հովակիմյանին մեղսագրված հանցագործության առարկան «չորացված մարիխուանա» տեսակի թմրամիջոցը՝ 12.88 գրամ է, որը, համարվում է խոշոր չափի: Բացի այդ, թմրանյութերի ապօրինի խիար ներգործող կամ թունավոր նյութեր պարունակող բույսեր ապօրինի ցանելը կամ աճեցնելը, համարարած օգտագործումը վնաս է հասցնում ոչ միայն առանձին անձանց առողջությանը, այլև ամբողջ բնակչության, ազգի ֆիզիկական և հոգեկան առողջական վիճակին»*<sup>9</sup>:

<sup>8</sup> Տե՛ս սույն որոշման 9-րդ կետը:

<sup>9</sup> Տե՛ս սույն որոշման 10-րդ կետը:

Բացի այդ, Վերաքննիչ դատարանը գտել է, որ Օ.Հովակիմյանի նկատմամբ նշանակված պատիժը պայմանականորեն չկիրառելու մասին Առաջին ատյանի դատարանի հետևությունները հիմնավորված և պատճառաբանված չեն, իսկ նյութական իրավունքի խախտումները, որոնք ազդել են պատիժը կրելու նպատակահարմարության մասով գործով ճիշտ որոշում կայացնելու վրա, հիմք են դատախազի վերաքննիչ բողոքը մասնակի բավարարելու և Առաջին ատյանի դատարանի դատական ակտը բեկանելու և փոփոխելու համար<sup>10</sup>:

16. Նախորդ կետում մեջբերված փաստերը գնահատելով սույն որոշման 13-14-րդ կետերում կատարված իրավական վերլուծության լույսի ներքո՝ Վճռաբեկ դատարանն արձանագրում է, որ Վերաքննիչ դատարանը, Օ.Հովակիմյանի նկատմամբ ազատազրկման ձևով պատիժ նշանակելիս, պատշաճ գնահատման չի արժանացրել այն հանգամանքը, որ 2021 թվականի մայիսի 5-ին ընդունված ՀՀ քրեական օրենսգրքի 396-րդ հոդվածի 2-րդ մասի սանկցիան նախատեսում է ինչպես ազատությունից զրկելու հետ կապված՝ ազատազրկումից ավելի մեղմ պատժատեսակ՝ կարճաժամկետ ազատազրկումը, այնպես էլ ազատությունից զրկելու հետ չկապված պատժատեսակներ՝ ազատության սահմանափակումը, հանրային աշխատանքներն ու տուգանքը:

Վերաքննիչ դատարանը չի ներկայացրել որևէ փաստարկված հիմնավորում առ այն, թե Առաջին ատյանի դատարանի կողմից արձանագրված՝ Օ.Հովակիմյանի անձը բնութագրող տվյալների առկայության և պատիժը ծանրացնող հանգամանքների բացակայության պայմաններում, Օ.Հովակիմյանի նկատմամբ 2021 թվականի մայիսի 5-ին ընդունված ՀՀ քրեական օրենսգրքի 396-րդ հոդվածի 2-րդ մասի սանկցիայով նախատեսված պատիժներից նվազ խիստ տեսակը՝ տուգանքը, ինչպես նաև հոդվածի սանկցիայով նախատեսված այլընտրանքային մյուս պատժատեսակներն ինչու՞ չեն կարող ապահովել պատժի նպատակները և ինչո՞վ է պայմանավորված արարքի սանկցիայով նախատեսված առավել խիստ պատժատեսակի ընտրությունը:

<sup>10</sup> Տե՛ս սույն տեղում:



Բացի այդ, Վերաքննիչ դատարանն Օ.Հովակիմյանի նկատմամբ 2021 թվականի մայիսի 5-ին ընդունված ՀՀ քրեական օրենսգրքի 396-րդ հոդվածի 2-րդ մասով նախատեսված արարքի համար քրեաիրավական ներգործության միջոցի ընտրությունը, փաստացի, ի թիվս այլնի, պայմանավորել է նաև 2003 թվականի ապրիլի 18-ին ընդունված ՀՀ քրեական օրենսգրքի 273-րդ հոդվածի 1-ին մասով մեղսագրված արարքի բնույթով ու հանրային վտանգավորության աստիճանով, այն դեպքում, երբ այդ արարքի համար քրեական հետապնդումը՝ Վերաքննիչ դատարանի որոշմամբ, քրեական պատասխանատվության ենթարկելու վաղեմության ժամկետն անցած լինելու հիմքով դադարեցվել է, ինչը բացառում է նշված արարքի համար անձի նկատմամբ քրեաիրավական որևէ հետևանքերի առաջացումը, որպիսի պայմաններում վերոգրյալի վերաբերյալ Վերաքննիչ դատարանի հետևություններն իրավաչափ և հիմնավոր համարվել չեն կարող:

17. Ամփոփելով վերոգրյալը՝ Վճռաբեկ դատարանը գտնում է, որ Օ.Հովակիմյանի նկատմամբ ազատազրկման ձևով պատիժ նշանակելու վերաբերյալ Վերաքննիչ դատարանի հետևությունները հիմնավորված և պատճառաբանված չեն:

Ամբաստանյալ Օ.Հովակիմյանի նկատմամբ պատիժ նշանակելու հարցը լուծելիս Վերաքննիչ դատարանը թույլ է տվել ՀՀ քրեական օրենսգրքի 10-րդ, 48-րդ, 61-րդ հոդվածների պահանջների խախտում, ինչը ՀՀ քրեական դատավարության օրենսգրքի 387-րդ հոդվածով նախատեսված՝ քրեական օրենքի ոչ ճիշտ կիրառում է:

Վերը նշված նյութական և դատավարական իրավունքի խախտումները, որոնք ազդել են ամբաստանյալ Օ.Հովակիմյանի նկատմամբ պատիժ նշանակելու կապակցությամբ գործով ճիշտ որոշում կայացնելու վրա, ՀՀ քրեական դատավարության օրենսգրքի 362-րդ և 387-րդ հոդվածների հիման վրա, ստորադաս դատարանների դատական ակտերը բեկանելու հիմք են: Միևնույն ժամանակ, Վճռաբեկ դատարանը գտնում է, որ սույն որոշմամբ արձանագրված՝ Օ.Հովակիմյանի նկատմամբ առավել մեղմ պատժատեսակ նշանակելու և դրա շուրջ քննություն իրականացնելու անհրաժեշտությամբ պայմանավորված՝ վարույթը պետք է փոխանցել Առաջին ատյանի ընդհանուր իրավասության դատարան՝ նոր քննության:

17. Նման պայմաններում, Վճռաբեկ դատարանը բողոքաբերի՝ սույն որոշման 5.1-րդ կետում նշված փաստարկներին անդրադառնալն առարկայազուրկ է համարում:

18. Ելնելով վերոգրյալից և ղեկավարվելով Հայաստանի Հանրապետության Սահմանադրության 162-րդ, 163-րդ և 171-րդ հոդվածներով, ՀՀ քրեական դատավարության օրենսգրքի 31-րդ, 34-րդ, 264-րդ, 281-րդ 361-363-րդ, 385-րդ ու 386-րդ հոդվածներով՝ Վճռաբեկ դատարանը

**Ո Ր Ո Շ Ե Ց**

1. Ամբաստանյալ Օրբել Ժորայի Հովակիմյանի վերաբերյալ Արագածոտնի մարզի առաջին ատյանի ընդհանուր իրավասության դատարանի՝ 2021 թվականի ապրիլի 23-ի դատավճիռը և ՀՀ վերաքննիչ քրեական դատարանի՝ 2023 թվականի մարտի 22-ի որոշումը բեկանել ու վարույթը փոխանցել Արագածոտնի մարզի առաջին ատյանի ընդհանուր իրավասության դատարան՝ նոր քննության:

2. Որոշումն օրինական ուժի մեջ է մտնում կայացնելու օրը:

Նախագահող՝ \_\_\_\_\_ Հ.ԱՍԱՏՐՅԱՆ

Դատավորներ՝ \_\_\_\_\_ Ս.ԱՎԵՏԻՍՅԱՆ

\_\_\_\_\_ Լ.ԹԱԴԵՎՈՍՅԱՆ

\_\_\_\_\_ Դ.ԽԱԶԱՏՈՒՐՅԱՆ

\_\_\_\_\_ Ա.ՊՈՂՈՍՅԱՆ

\_\_\_\_\_ Ս.ՕՀԱՆՅԱՆ